

水經注釋地補遺

上



		九	漢
	一	一	書
一	四	五	門
六	四	五	
冊	架	函	號
		類	

庫文閣內			
三	九		漢
一	一		書
三	五		
架	冊	號	類

內閣文庫			
番號	漢	9105	
冊數	16 (14)		
函號	291	89	

共十六



嘉慶丁巳年新鐫

水經注釋地

補遺

上池書屋藏板

水經注釋地補遺卷上

淺草文庫

新安張匡學三悅氏輯

敦煌郡

今甘肅省直隸州安西州地附郭首邑敦

煌縣

以下水經卷二河二 釋地 重校 補遺

酒泉郡治所

今甘肅省直隸州肅州地

張掖郡

今甘肅省甘州府地附郭首邑張掖縣

積石山

一在甘肅省蘭州府屬河州西北七十里

黃河在北八十里人目為小積石山一在甘肅省西

寧府西九十八里黃河在西南六十里人目為大積

石山 禹貢 導河積石至於龍門 又浮於積石



水經注釋地補遺卷上

唐述山

即小積石山在河州境

長城

蒙恬傳 秦已并天下迺使蒙恬將三十

萬眾築長城起臨洮至遼東延袤萬餘里

大小榆谷

在蘭州府西一百里

鳳林

今鳳林關在蘭州府黃河側

臨川閣

在蘭州府城中下臨流水為一郡登臨之

勝

岳麓山

在蘭州府城東南山前有超然臺 取宋

蘇文忠公軾詩句 超然臺上望超然 明楊忠愍

公繼盛謫狄道典史講學於此

河關縣

故址在西寧府境

沙州故城

在肅州城西

崆峒山

在肅州城東南六十里 史記 黃帝披

山通道西至空同

後魏石城縣

今陝西省榆林府神木縣地

灘水

在蘭州府城東南一十五里

漢白土縣

今陝西省直隸州綏德州屬清澗縣地

黑城子

在甘肅省平涼府境

瓦亭關

在平涼府華亭縣西北一百八十里 通

志 漢隗囂使牛邯守瓦亭唐肅宗幸靈武牧馬於

瓦亭皆此

榆城

一名榆中城在蘭州府城西二百里

石門山 在蘭州府城西南 注稱灘水經石門口

山高峻險絕對岸如門

臯蘭山 在蘭州府城南五里 為郡之主山隋置

州以此為名 重文起詩 溪聲遠近生秋籟山色

蒼涼上客衣重憶蘭州舊遊地眼中華髮故人稀

白石山 在蘭州府東南八十里 昔周將梁暉圍

迫無水以青羊禱於山神飛泉湧出兵士取給今呼

為梁泉水北流注於河

抱罕縣故城 在蘭州府屬河州西

分水嶺 在蘭州府渭源縣西一十五里其水自此

嶺分流東者入渭西者入洮

洮水 在甘肅省鞏昌府洮州廳治南三十五里

西傾山 在洮州廳治西南二百五十里 禹貢

西傾因桓是來 十道山川考 西傾山復名西強

山登之可觀墊江源 水經 西傾之南桓水出焉

臨洮縣 今鞏昌府西和縣地

岷山 在鞏昌府屬岷州城北 洮水經其下相

傳夏禹見長人受黑玉書於此

索西城 即赤水城又名臨洮東城在鞏昌府屬岷

州西二十里

狄道安故縣故城 在蘭州府城西八十里

後魏武始郡 今蘭州府地

水經主釋也補遺卷上

鳥鼠山 即鳥鼠同穴山又名青雀山在蘭州府渭源縣西二十里 禹貢 終南惇物至於鳥鼠 注 鳥鼠俗呼青雀山在今渭州渭源縣西 渭水所出

後魏武階 今甘肅省直隸州階州地

杜甫草堂 在階州成縣飛龍峽東一在直隸州秦州

境天寶末甫棄官之秦州寓居同谷躬拾橡粟以自

給有同谷七歌 杜詩 徘徊虎穴上面勢龍洪頭

秦隴西郡治所 今蘭州府地

大夏縣故城 在蘭州府河州境

雪山 在河州城西南一百五十里四時有雪又

名雪嶺

金城郡治允吾縣故城 在蘭州府西南五十里

西海郡 漢平帝時置今西寧府地

湟水 一名金城河在蘭州府西

鹽池 在甘州府山丹縣北 山丹產鹽色赤

虎臺 在甘州府張掖縣西 臺有九層高九丈

八尺

臨羌縣故址 在蘭州府城西

卑河羌海 一名蘇木連河在西寧府北山之陰人呼

青海

西平郡治所 今西寧府地

晉昌川 在安西州屬玉門縣境

浩亶川 在西寧府碾伯縣地

牛心川 今碾伯縣有牛心堆

樂都故城 在碾伯縣境

破羌縣 今西寧府地

浩亶縣故城 在蘭州府金縣西二十里 浩亶音閭門

允街縣故城 在甘肅省涼州府平番縣境

漢枝陽縣前涼廣武郡治所 在蘭州府城西二百二十里

金城郡金城縣故城 在蘭州府城西南五十二里

榆中縣 今蘭州府金縣地其故城在府西二百里

襄武縣 今鞏昌府附郭首邑隴西縣地

雲下田 輿地紀勝 郡有耕天村其田之良者曰

雲下田 宋鮮于侁詩 行行未省見平川雲下誰

知別有田山聚邑居能習儉人愁粒食自耕天

首陽縣 今蘭州府渭源縣地

平襄縣 今鞏昌府通渭縣地

媪圍縣 今蘭州府附府首邑臯蘭縣地

天水郡治所 今甘肅省直隸州秦州地

畫卦臺 在秦州西北三十里相傳伏羲畫卦於此

雪後猶見卦痕 又河南陳州府有八卦臺近伏羲

陵汝寧府上蔡縣有八卦臺其地產著

祖厲縣故城 在蘭州府靖遠縣西南一百三十里

祖厲音嗟賴

安定郡治高平縣 在甘肅省直隸州涇州屬鎮原縣

地

麥田山 疑即今麥積山在秦州東南九十里 玉

堂閑話 麥積山者北跨清渭南漸兩當望之團團

如民間積麥之狀其峭壁間鑿石成佛萬龕有庾信

銘記刊於巖中

高平第一城 在鎮原縣境

若水谷 在鎮原縣南源出縣西北大隴山名高平

川

隴山 在甘肅省平涼府屬靜寧州南一百五十

里 輿圖廣記 隴山春夏積雪產鸚鵡在平涼府

華亭縣 按華亭縣今平涼府屬縣

三川水 在鎮原縣東北

石門峽 即隴山北垂在靜寧州南一百五十里

三水縣 今陝西省直隸州邠州屬縣其故城在州

屬淳化縣西一百三十里

石門溫泉 在陝西省西安府藍田縣西南四十里

昫卷縣故城 在邠州淳化縣境

富平縣 今西安府屬縣

回中山 在涇州城西五里 上有王母宮 漢武

帝紀 行幸雍祠五時通回中道遂北出蕭關 注

回中在安定高平

蕭關 在鎮原縣西北一百四十里 漢武帝西

登崆峒出蕭關即此 唐人詩夫戍蕭關妾在吳西

風吹妾妾憂夫一行書信千行淚寒到君邊衣到無

皇甫冉詩 玉節度蕭關

崆峒山 在平涼府城西三十里 上有問道宮莊

子謂黃帝學道於廣成子蓋在此山 括地志 笄

頭山一名崆峒山 涇水所出 輿地志 或即雞

頭山也 水經注 蓋大隴山異名也

允吾縣故城 在蘭州府西南五十里 漢縣名 漢

昭帝於此置金城郡 應劭云築城得金故名

以下 卷三 河三 補遺

高關塞 在山西省寧武府境

陰山 在山西省朔平府屬朔州北

五原城 在陝西省榆林府神木縣境

雲中郡雲中縣 今山西省大同府附府首邑大同縣

地 雲中故城址在府城北郭外

沙南縣 今大同府懷仁縣地

九原縣 即中受降城在大同府城西北五百里

安陽縣 在直隸省宣化府蔚州東七十里

臨戎縣

大同府西北四百二十里

圖陰縣

今榆林府葭州地 圖音銀

楨陵縣

今宣化府萬全縣地

古樓煩

寧武屯 今山西省寧武府地

延陵縣

今大同府廣靈縣地

定襄郡城

在大同府城西北二十八里

應州

按應州地秦名陰館縣屬雁門郡漢同東

漢末廢後魏屬神武郡隋廢唐置金城縣屬應州元

仍為應州明同 國朝因之隸大同府

呂梁山

在山西省汾州府屬永寧州東 按今永

寧州古離石邑後周及唐名石州明更永寧之名

國朝因之

禹貢

治梁及岐

注

梁山呂梁山

也

爾雅

梁山晉望

呂氏春秋

龍門未闢呂

梁未鑿河出孟門之上

上郡治

今陝西省延安府又直隸州綏德州地

五龍山

在延安府附府首邑膚施縣北一十二里

上有五龍祠

屈產泉

在山西省汾州府石樓縣東南四里春秋

晉時有馬飲此而生龍駒 崖上有晉公子夷吾廟

金龍池

在山西省平陽府城西南二十五里平山

即姑射山之支

之麓

晉永嘉中有韓媪者於野中

見巨卵持歸育之得嬰兒字曰櫛兒方四歲劉淵築

平陽城不就募能城者楸兒應募因變為蛇令媪遺
灰誌其後謂媪曰憑灰築城可立竟如所言淵怪之
遂投入山穴間露尾數寸使者斬之忽有泉出穴中
滙為此池

河北縣 今山西省直隸州解州屬平陸縣地

以下水經卷四 河四 釋地 重校補遺

風埽 即女媧陵在河南省直隸州陝州屬閿鄉

縣河側 寰宇記 河東縣三里風陵是女媧之墓

女媧陵唐天寶末失其所在乾元初復湧出女媧

伏羲氏妹也 按陝州閿鄉縣古鼎湖地漢名湖縣

縣南二十五里荆山下有鑄鼎原昔軒轅鑄鼎處

古芮國有大荔衆 今陝西省同州府附郭首邑大荔

縣又屬縣朝邑縣地

鴻關島 今名鴻門坂在陝西省西安府臨潼縣東

一十七里 即漢高祖會項羽處舊有鴻門亭

清蘆山 在山西省直隸州絳州屬垣曲縣境

閑原 今名閑田在解州平陸縣西五十里 即

虞芮相讓之地俗呼曰讓畔城

河南垣縣宜蘇山 俗謂之長泉水 山海經 宜蘇

之山其上多金玉其下多蔓居之木瀟瀟之水出焉

而北流注於河是多黃貝 垣縣今山西直隸州絳

州屬垣曲縣地

以下水經卷五 河五 重校補遺

温縣 今河南省懷慶府屬縣

孟津河 今懷慶府孟縣地

光武墓臨平亭南 漢世祖原陵在河南省河南府孟

津縣西

富平津 在孟津縣境即晉杜鎮南造河橋處

成臯縣 漢成臯縣今河南省開封府汜水縣地北

齊成臯郡縣則今開封府滎陽地也

索水 源出小陘山北流入京水在開封府滎陽

縣境 京水源出滎陽縣東南二十五里嵩渚山即

小陘山 經府屬鄭州西南合鄭水繞州城東東北至

中牟縣溉田千餘頃餘水下入於汴

滎蕩渠 一名通濟渠在開封府城內今湮沒無跡

淇水 在河南省衛輝府淇縣西北三十里源

出彰德府林縣大號山流經衛輝府淇縣西合清水

入衛河

平陽城 在衛輝府滑縣東南

白馬濟 今名白馬津在滑縣境 漢酈食其所謂

守白馬之津即此

延津 一名靈昌津在滑縣境 又有湖周十里

曰靈昌湖

屯氏河 在山東省東昌府館陶縣西二里 漢屯

氏河隋疏為永濟渠源自河南省衛輝府輝縣東北流至山東省直隸州臨清州與會通河合流入海

九河故道 新舊志載或久汙塞或淪於海尚有徒駭

禹津勾盤覆釜馬頰諸河舊瀆在山東省濟南府武

定府界遺址僅存永懷禹績

徒駭枯河 在武定府惠民縣南

禹津枯河 自濟南府齊河縣經禹城縣平原縣德州

德平縣至武定府樂陵縣東北至海豐縣入海

勾盤枯河 自濟南府德州經德平縣東北至武定府

陽信縣界

覆釜枯河 自直隸省天津府慶雲縣經山東省武定

府海豐縣南入海

馬頰枯河 在濟南府濟陽縣東北至武定府商河縣

境

穀城山 在山東省泰安府東阿縣東北五里一名

黃山 史記留侯世家 老父曰後十三年孺子見

我濟北穀城山下黃石即我矣 注 穀城山在濟

州東阿縣東

伏生祠 在濟南府鄒平縣東北一十八里伏生鄉

祀伏勝 漢儒林傳 伏生濟南人為秦博士秦時

禁書伏生流亡漢定教於齊魯之間

沙邱 在直隸省順德府平鄉縣東北二十里

紂築沙邱臺 衛靈公墓處 秦始皇崩於沙邱俱

此地

魏武帝疑冢 在直隸省廣平府屬磁州境

澶淵 在直隸省大名府屬開州南 宋寇萊公

請帝征戰處

瓠子口 在開州城西南二十五里 漢溝洫志

河決瓠子上自臨決河湛白馬玉壁令羣臣負薪置
決河築宮其上名曰宣防

阿膠井 在山東省兗州府陽穀縣東北六十里水

清冽而甘煮革為膠可以愈疾也隸東阿縣故名從

阿 東阿縣今山東省泰安府屬縣

商河 在武定府商河縣南 山東通志載漢鴻

嘉四年河隄都尉許商鑿此河以紓水患民懷其德

故曰商河

厭次縣 今武定府附郭首邑惠民縣又陽信縣地

其故城在濟南府陵縣東北二十里

以下水經卷六 汾水諸水 重校補遺

汾陽縣 今山西省汾州府附郭首縣

管涔山 在山西省直隸州忻州屬靜樂縣北一百

四十里 劉淵族子曜常隱居於管涔山夜中忽有

二童子入跪曰管涔王使小臣奉謁獻劍一口置前

再拜而去以燭視之劍長二尺光澤非常背有銘曰

神劍服御除衆毒

汾陽縣故城 在山西省太原府城北七十里

羊腸倉山 在太原府交城縣東北一百里 郡國志

萬根谷石磴縈委若羊腸然後魏於此建羊腸倉

梗陽縣 今大原府榆次縣地其故城在府屬徐溝

縣界 左傳 晉中行穆子見梗陽之巫臯 隋初

曾於此置清源縣

鄆城 在汾州府介休縣東北二十七里 左傳

魏獻子以司馬彌牟為鄆城大夫

中陽縣 今汾州府孝義縣地

謁戾山 在山西省直隸州平定州樂平縣西南

沾縣故城在樂平縣西南三十里謁戾山注在古沾縣

黑山 一名烏嶺 在山西省平陽府浮山縣北四十里

黑水出焉一名滂水 山海經水經注俱作勞後

世增水旁此例甚多特注於此

浮山 在浮山縣西六十里相傳洪水時此山隨

水消長故名

平陽郡治所 三國魏置平陽郡晉因之今平陽府附

郭首邑臨汾縣地

以上卷六中汾水

絳山 在山西省直隸州絳州屬絳縣西北二十

五里俗名紫金山

以上卷六中澮水

大陵縣故城 在山西省太原府文水縣東北二十里

平陶縣故城 在太原府文水縣西南二十五里

平遙縣 今汾州府屬縣古陶地帝堯初封於此

漢置平陶縣後魏改平遙縣

勝水 在汾州府孝義縣西八十里

以上卷六中文水

鑿臺 在太原府榆次縣南 史記韓魏合趙殺

智伯於鑿臺之下臺後為洞渦水所沒

以上卷六中洞渦水

大鹵 公穀作太原太原縣今屬太原府即古晉

陽縣穀梁傳曰號從中國名從主人

以上卷六中晉水

嵩渚山 一名小陘山在河南省開封府滎陽縣東

南二十五里 索水出焉

以下水經卷七濟水一 重校 補遺

小索城 在滎陽縣西五十里 風俗通 漢高祖

與項羽戰於京索遁於薄中羽追求之時鳩止鳴其

上追者以為無人遂得脫及即位憶此鳩故作鳩杖

以扶老

卷縣故城 在懷慶府原武縣境

垂隴 按晉杜鎮南預春秋釋地云鄭地今隴城在滎陽縣東北

以下水經卷八 重校 補遺 濟水二

濮水 在山東省曹州府屬濮州東南

韓市深井里 在懷慶府濟源縣南 縣秦名軹縣周

名軹 戰國策 軹深井里聶政勇敢士也刺韓傀

注 軹之里名深井里

盧縣 今泰安府平陰縣又肥城縣地

平安縣故城 在山東省青州府安邱縣西南

博昌縣 今青州府博興縣地

安平縣故城 在青州府臨淄縣東一十里

樂安縣 今青州府屬縣

薄姑城 在青州府博興縣東一十五里

臨淄縣 今青州府屬縣

昌邑縣 今山東省直隸州濟寧州金鄉縣地

乘邱城 在曹州府曹縣界內

陶邱 在山東省東昌府館陶縣南鎮西北七里

爾雅 邱再成為陶 禹貢 導沈水東出於陶

邱北

山陽城 在金鄉縣界內

大野 今曹州府鉅野縣地鉅野湖在縣東五里

元末已涸 禹貢 大野既潴 周禮職方 兗州

水經注卷之九

其藪澤曰大野 杜注 大野在高平鉅野縣東北
大澤是也

湖陸縣 今江蘇省徐州府沛縣地沛秦漢舊名新
莽改為湖陸與山東魚臺縣接界 魚臺縣直隸州
濟寧州屬縣即春秋魯之棠邑

修武縣 今懷慶府屬縣

以下水經卷九 重校補遺 清水諸水

東玉陽山 在懷慶府濟源縣西三十里 相傳唐睿
宗女玉真公主修道於此山西有西玉陽山亦其棲
息之所

南陽城 在修武縣北

河陽縣 今懷慶府孟縣地 周孟津地漢置河陽

縣 春秋 天王狩於河陽 庾信春賦 河陽一
縣併是花 注 潘岳為河陽令遍樹桃李

共北山 即蘇門山一名百門山在河南省衛輝府

輝縣西北七里 晉書隱逸傳 孫登字公和汲郡
共人也於郡北山為土窟居之好讀易撫一絃琴

凡城 在衛輝府輝縣西南二十里

太行山 在輝縣西五十里西南連懷慶府界一帶
峯麓雖各有名然總呼為太行

以上卷九中清水

建興郡治所 在山西省澤州府城東三十里

北海廟 在懷慶府濟源縣治西北 說者謂濟瀆

泉脈通北海故於此建廟祀北海之神

邢邱 在懷慶府城東

盧仝宅 在濟源縣西北二十里 盧仝詩 買得

一片田濟源花洞前

懷縣 今懷慶府武陟縣地

張衡宅 在濟源縣東沁口之北 隋煬帝幸榆林

上太行開直道九十里抵張衡宅賜宅旁田三十頃

隰城 在武陟縣西南一十五里

王屋山 在濟源縣西八十里 禹貢 底柱析城

至於王屋 注 山狀如屋

太行山 在懷慶府城北二十里 淮南子 武王

欲築宮於五行之山 注 五行山今太行山也

魏武帝詩 北上太行山艱哉何巍巍 通志 綿

亘數千里雖各因地立名其實皆太行禹貢太行恒

山至於碣石蓋相接也

壺關縣 淇水發源壺關縣今山西省潞安府屬縣

山形似壺故因山名縣山在縣西北

王屋山 在山西省澤州府陽城縣南境 上有仙

宮洞天廣三十里 書禹貢 注 王屋地志在河

東郡垣縣東北今絳州垣曲縣也

修縣 本漢條縣其故城在直隸省河間府屬景

州城內

東光縣

今河間府屬縣

以上卷九中淇水

太行山

在河南省彰德府林縣西二十里羣山

一帶形勢崔巍其間峯谷岩洞景物萬狀其在斯郡者綿亘二百里總曰太行為中州巨鎮

柱人山

一名善化山在彰德府內黃縣西南六十

里或曰名枉人山山有三峯鼎峙南北連跨巨岡溪澗數百有仰泉如盆者七十二春夏水常不減居人以其興雲致雨因目之曰善化

以上卷九蕩水 經注俱作蕩今名湯水

洹水舊縣

在今內黃縣境

韓陵山

在彰德府城東北一十七里 三國魏劉

公幹詩

朝發白馬暮宿韓陵 唐張鷟朝野僉載

溫子昇作韓陵山寺碑庾信讀而寫其本南人問信曰北方文士何如信曰惟有韓山一片石堪共語

以上卷九內 洹水

經縣

今直隸省直隸州冀州屬新河縣地 晉

縣名見姚培謙類腋地部

蔡中郎斷碑

在河南省衛輝府延津縣治 舊志

漢蔡邕嘗為酸棗令劉書誤去思碑斷碣存焉 唐

王建詩 蒼苔滿字土埋龜風雨銷魂絕妙詞不向

圖經中舊見誰人知是蔡邕碑按春秋鄭廩延地
秦置酸棗縣今延津縣地

以下卷十 濁漳水 清漳水 補遺

竇氏青山 在直隸省直隸州冀州屬武邑縣東三十里 漢文帝竇后父青冢

鼓子國漢下曲陽縣 今正定府屬晉州地

董仲舒廟 在直隸省河間府景州治西南六十里地

名廣川鎮

渤海郡治所 今直隸省天津府屬滄州地

女思谷水 在直隸省直隸州易州城西南五十里源

出女思礪東北流注於易水

以下卷十一 易水 滏水 重校 補遺

安次縣 今京師順天府東安縣地

鄭縣 今河間府任邱縣地其故城在今縣北

任邱縣本漢鄭縣屬涿郡平帝使中郎將任邱城此

因名任邱

文安縣 今順天府屬縣

靈邱縣 今山西省大同府屬縣

平舒縣 今京師順天府大城縣地

高是山 在直隸省宣化府屬蔚州西北七十里

滋水出焉 山東三十八里有枚迴嶺山麓相接

石銘陁 在大同府靈邱縣西

青塚

在大同府城西北 朔平府志 青塚即

王昭君墓一在殺虎口外歸化城東南黑河南岸土人云西黃河岸及瓦刺地亦有二處未知孰是

樂城縣

今河間府獻縣地

北平縣

今直隸省保定府滿城縣又完縣地

蒲陰縣

今完縣地其故城在府屬祁州界

清苑縣

今保定府附府首縣

新城縣

今保定府屬縣 漢舊名北新城

以下卷十二

聖水

拒馬河水

重對

補遺

上谷郡故城

在宣化府屬延慶州西北

督亢溝

注

督亢溝舊督亢亭今名督亢陂在順天

府屬涿州城東南一十五里

范陽縣

今順天府順義縣房山縣又保定府定興

縣地其故城在直隸州易州東南六十里

汾陽縣

今山西省汾州府附郭首縣其故城在太

原府城北七十里

以下卷十三

濕水

重對

補遺

燕京山

即管涔山在山西朔平府屬朔州南一百

二十里

有天池在山上汾水出焉

武州川

源出武州山在大同府城西二十里 水

經注作武周

漢志作州

其水經府南距城十五

里

火山

在山西省直隸州保德州河曲縣西出山

西通志 水經注 火山上有火井南北六十七步

廣減尺許源深不見底炎勢上升常若微雷發響以

草爨之則烟騰火發可熟食

祁夷水 一名嘔夷水今名澹河源出山西大同府

渾源州東南

潘縣

今直隸省宣化府懷來縣地

下洛縣

今宣化府附府首邑宣化縣又懷安縣地

洵水

自順天府平谷縣流經府屬三河縣北至

寶坻縣境

以下卷十四 濕餘水諸水 重對 補遺

無終國

今京師直隸州遵化州玉田縣西有古無

終城

土垠縣故城

在直隸省永平府城西南

安州

今直隸省保定府屬州 後魏安州今順

天府密雲縣地

繁縣

今盛京錦州府屬義州地

驪城縣

今永平府撫寧縣地

碣石山

在永平府昌黎縣西北二十里 禹貢注

云在北平郡驪城縣西南河口之北韋昭以為碣石

舊在河口海濱歷世既久淪入海已去岸百餘里遠

望其山穹窿似塚有石特出山頂其形如柱疑即禹

水經注畢也補遺卷五

三

貢冀州之碣石

陽虛山 在河南省河南府永寧縣西五十里

以下卷十五 洛水 重校 補遺

鹿蹄山 在河南府宜陽縣境 人稱非山山上多

美玉下多金甘水出焉西北流注於洛

元扈山 在陝西省直隸州商州雒南縣西北一百

里

謹舉山 在商州西北一百二十里 洛水出焉

熊耳山 在河南省直隸州陝州盧氏縣西南五十

里 山形兩峯相對如熊耳

洛水 在河南府鞏縣南 唐韓文公愈詩 吾

黨侯生字叔延呼我持竿釣温水 注 王者有盛

德之應則洛水先温故號温洛

表術固 在河南府偃師縣西南三十五里

緱氏山 在偃師縣南四十里 李善天台山賦注

王子喬浮邱公接以上嵩高山後人於山上見之

曰告我家七月七日待我於緱氏山果乘白鶴駐山

頭

函谷關 函谷舊關在直隸州陝州靈寶縣南一十

里孟嘗君鷄鳴傳出老子騎青牛度處杜少陵詩東

來紫氣滿函關也函谷新關在河南府新安縣東二

里漢楊僕請徙郭丹西入感慨關下者

伊闕山

俗名龍門山即春秋所稱伊闕

陸機云

洛有四闕斯其一焉 在河南府城西南三十里

白起傳注 今洛州南伊闕山號曰龍門

大谷關

在陝州閩鄉縣西南秦山谷

轘轅關

在河南府登封縣西北轘轅山嶺上

少室山

在河南府登封縣北一十里中岳嵩山東

曰太室西曰少室 詩 嵩高維嶽 漢武帝置奉

邑名曰嵩高唐武后名山曰神嶽

訾城

河南通志載東訾城在河南府鞏縣西南

四十里 又訾王城在鞏縣西孝義堡周王所築

孟津關

漢河陽縣孟津關晉改為富平津今河南

府孟津縣境

洛水

源出陝西洛南縣

易繫辭

河出圖洛

出書

左傳

劉定公勞趙孟於潁館於洛汭劉子

曰美哉禹功微禹吾其魚乎

竹書紀年注

龍圖

出河龜書出洛

以上洛水

穀城山

在河南府城西北五十里舊名替亭山

河南通志載穀城山在河南府城西北漢置穀城縣

以山名

灑水所出

悶頓嶺

在河南省直隸州陝州盧氏縣東南一百

六十里

伊水出焉

千金渠

在河南府城外三十五里

三塗山

在河南府嵩縣西南一十里 左傳

嶽三塗陽城太室荆山中南九州之險也

新安縣

今河南府屬縣

白石山

在河南府澠池縣東北二十三里 澠水

所出

以上伊水 澠水 澗水

峽石

在直隸州陝州東即舊陝石縣東通澠池

西通函谷

以下卷十六 穀水 諸水 重校 補遺

缺門山

在新安縣西三十里 一名扼山

漢萬年陵

在陝西省西安府臨潼縣東北七十五里

鄭國渠

水經注鄭渠在西安府富平縣南二十里

即韓水工鄭國說秦所穿渠也漢內史倪寬於渠

上流開六小渠以輔助定水名六輔渠 史記河渠

書 韓聞秦之好興事欲罷之使水工鄭國間說秦

令鑿涇水自中山西抵瓠口為渠並北山東注洛三

百餘里中覺秦欲殺鄭國鄭國曰渠成亦秦之利也

卒使就渠渠成溉四萬餘頃

中山

在富平縣界 漢武帝獲寶鼎於汾陽薦

之甘泉鼎至中山氤氳有黃氣蓋焉

以下卷十七 渭水上 重校 補遺

東漢漢陽郡 今甘肅省直隸州秦州地

上邽縣 今秦州屬清水縣地其故城在州境

後魏當亭縣 今甘肅省鞏昌府伏羌縣地

以下卷十八 渭水中

雍縣 今陝西省鳳翔府附府首邑鳳翔縣又岐

山縣地

西虢故城 在鳳翔府寶雞縣東六十里

陳倉山 在寶雞縣東南 上有寶雞祠 三秦記

山有石雞晨鳴山頭聲聞三十里

郿縣 今鳳翔府屬縣

岐山 在鳳翔府岐山縣東北一十里 禹貢

導岍及岐 十州山川考 岐山在鳳翔府岐山縣

東北亦名天柱山 說文 漆水出岐山東入於渭

姜氏城 在鳳翔府寶雞縣南七里

杜陽縣 今鳳翔府麟遊縣地其故城在府城北九

十里 水經縣東北俞山漆水所出 山海經 俞

次之山漆水出焉北流注於渭

好畤縣故城 在陝西省直隸州乾州城東七里

郿塢 在鳳翔府郿縣東北一十六里

美陽縣 今鳳翔府扶風縣地

中南山 杜注在始平武功縣南亦作終南在西安

府城南五十里 五經要義 終南山長安南山也

一名太乙 連亘藍田咸寧長安盩厔四縣境

長楊宮 在西安府盩厔縣南三十三里

以下卷十九 渭水下

五柞宮 在盩厔縣東南三十八里 漢武帝建柞

樹可蔭覆數畝

茂陵 在西安府興平縣東北一十七里

橫橋 即中渭橋秦始置在西安府城西北二十

五里

便門橋 即西渭橋漢造以通茂陵在西安府城西

史記索隱 渭橋有三一在城西北咸陽路曰西

渭橋一在東北高陵邑曰東渭橋其中渭橋在古城

之北

寧秦 今陝西省同州府華陰縣地

李夫人冢 在西安府興平縣茂陵西北

茂陵縣故城 在興平縣東北

漢昭帝平陵 在西安府咸陽縣東北一十三里

杜陵 在西安府城東南一十五里

白鹿原 在西安府藍田縣西五里

以下卷二十 漾水 丹水

葭萌縣故城 在陝西省漢中府褒城縣西一百八十

里

上邽縣故城 在甘肅省直隸州秦州境

上邽縣 今直隸州秦州屬清水縣地其故城在州境

葭萌縣 今四川省保寧府廣元縣地

冢嶺山 在陝西省直隸州商州南六十里 漾水

所出 禹貢 導漾東流為漢

楚山 一名商洛山在商州東南九十里即秦時

四皓隱處 十州山川考 商山一名地肺山一名

楚山

菟和山 杜注在上洛東今商州東南有菟和山通

襄漢之路 上洛縣今商州又州屬雒南縣地 春

秋哀公四年傳曰左師軍於菟和右師軍於倉野

倉野 杜注在上洛縣今商州東南有倉野聚

熊耳山 在商州西五十里 伊水所出 十州山

川攷 熊耳山兩峯狀若熊耳禹貢導洛自熊耳齊

桓公登熊耳山以望江漢

契始封地 今商州地

三戶 杜注丹水縣北有三戶亭今三戶城在河

南省南陽府內鄉縣西南

以下卷二十一 汝水

廣成澤 在河南省直隸州汝州城西四十里

沛公壘 在汝州城東北大劉山南

以下卷二十二 潁水 洧水 淇水 溱水 經作

鈞臺

在河南省開封府屬禹州城北門外按

禹州禹所封地春秋鄭之櫟邑戰國為韓國秦為陽

翟縣金曰鈞州明改名禹州隸開封府國朝因之

女陽縣舊址今河南省陳州府商水縣地水經注

闕駟曰本汝水別流其後枯竭號曰死汝水故其字

無水余按汝女乃方俗之音故字隨讀改未必一如

闕氏之說以窮通損字也

南頓縣故址在陳州府項城縣北三十里

互鄉在商水縣論語互鄉難與言

銅陽縣今河南省汝寧府新蔡縣地

固始縣今河南省直隸州光州屬縣南門外曰

南岡多梓樹高下數百章花時遊觀士女駢集迤南
安徽州郡不植梓矣其亦土有宜木歟

寢邱即安豐塘今安徽鳳陽府壽州境在固始

縣南塘側即芍陂有楚相孫叔敖廟士民奉祀地

極修潔居民足魚蝦之利稱老廟集

寢縣今固始縣地

汾邱城晉杜鎮南注襄城縣東北有汾邱城襄城

縣今河南直隸州許州屬縣

滎強縣今陳州府商水縣地滎與澗同

臯臯杜鎮南注繁昌縣東南有城臯亭今在許

州臨潁縣界

水經注釋也補遺卷上

天

項

杜鎮南注項國云在汝陰項縣今陳州府
項城縣東北六十里有故項城

陽城縣

今河南府登封縣地 陽城山俗稱車嶺
山在縣北三十八里洧水出此

少林寺

在登封縣西少室山北麓 後魏時建梁
時達摩祖師居此面壁九年面壁石尚存 擣帛石

在縣西北 紀異志 嵩山有玉女擣帛石立秋

前一日中夜常聞杵聲

以下洧水 補遺

新城

杜鎮南注鄭新密今開封府密縣東三十
里有故密城

長葛縣

今河南省直隸州許州屬縣其故城在縣
北一十二里

期城縣

今河南省直隸州汝州屬郟縣地
以下卷二十二內 渠水 汜水 沙水 渦水

博浪城

一名博浪沙在開封府城北三十里
鴻溝 在開封府舊河陰縣界今省入滎澤縣為

河陰鄉

夸山

在開封府城安遠門內以山平夸而名
或曰一名夸門山迺侯羸監守處

扶溝縣

今河南省陳州府屬縣
陳留縣 今開封府屬縣其故城在縣北二十里

圍縣故城

在開封府杞縣南五十里

蓬池

在開封府城東北即春秋之蓬澤

阮嗣

宗詩一徘徊蓬池上回首望大梁

陽夏縣

今陳州府太康縣地

斗城

在陳留縣南三十五里

匡城

在陳州府扶溝縣西

匡城

在河南省歸德府屬睢州城西三十里孔

子畏於匡即此壤地相接疑即一城

新汲縣

今開封府洧川縣地即春秋鄭之曲洧

鄆陵縣

今開封府屬縣即戰國之安陵

望京樓

即開封府西門城樓寰宇記浚儀西

門樓本無名唐令狐綯重修之因登賦詩曰夸門一鎮五更秋未得朝天未免愁因上此樓望京國更名樓作望京樓

管縣

今開封府屬鄭州地

鄭京城

今開封府滎陽縣地

鄭巖邑

今開封府汜水縣地

許昌縣

曹魏縣名今直隸州許州地

高陽里

在許州城內漢荀淑居此舊名西豪潁

陰令范康以高陽氏有子八人今荀氏亦有八子改其里曰高陽

長社縣

今許州屬長葛縣地

陽翟縣

今開封府屬禹州地

即春秋鄭之櫟邑

左傳注

陽翟縣南鈞臺陂傳是啟享諸侯處

宛陵縣

今開封府新鄭縣地

吹臺

一名平臺一名雪臺在開封府城東南本

古列仙之吹臺漢梁孝王增築之舊志云即繁臺也

師曠建

阮嗣宗籍詩

駕言發魏都南向望吹臺

簫管有遺音梁王安在哉

長平縣

今陳州府西華縣地

城父縣故城

在安徽省潁州府屬亳州東南七十里

聶家湖

在潁州府太和縣西北週迴五十餘里

菱芡蒲荷水天一色邑之勝覽

山桑縣故城

在潁州府蒙城縣北三十七里

龍亢縣故城

在安徽省鳳陽府懷遠縣西北八十五

里

義城縣故城

在潁州府霍邱縣北四十里

譙縣

今潁州府屬亳州地按春秋陳國之焦

邑漢為譙縣劉宋置小黃縣後周置亳州宋置集慶

軍明曾降為縣復為州屬鳳陽府國朝亳州屬潁

州府

以下卷二十三

陰溝水

汴水

經注作汴

重對

踐土臺

括地志載在河南省開封府滎澤縣西北

十五里

扶溝縣

今陳州府屬縣

陽夏縣

今陳州府太康縣地

鳴鹿

今歸德府鹿邑縣地安平縣故城在縣北

四十里

春秋晉邑曰鳴鹿漢置鄆縣東漢折置武

平縣晉為谷陽縣隋改鹿邑縣

苦縣故城

在鹿邑縣界鹿邑縣東臯鄉有九龍井

世傳老子誕生於此又據漢邊韶老子碑老子楚相

縣人也按下相縣今徐州府宿遷縣地壤地相接

似可據信

匡城

在歸德府睢州西三十里

已吾縣

今歸德府夏邑縣其故城在府屬寧陵縣

南二十里

柘縣

今歸德府柘城縣地

下相縣

今江蘇省徐州府宿遷縣地其故城在府

屬邳州西南元和郡國志下邳有沂水號長利

池池上有橋即黃石公授留侯書處

渦陽縣

今潁州府蒙城縣地

鳴雁亭

今名白雁亭在開封府杞縣北四十里

考城縣

周戴國地舊屬歸德府今城移置黃河北

為衛輝府屬縣

偃師縣

今河南府屬縣

南亳

舊穀熟縣址在歸德府城東南四十五里

葛鄉在歸德府寧陵縣界

蒙澤

在歸德府舊考城縣界左傳宋萬弑

閔公於蒙澤

杜鎮南春秋釋地宋地梁國有蒙

縣

府志在考城莊子產此

虞縣

今歸德府虞城縣地

定婚店

在歸德府舊城內唐韋固遇月下老人卜

婚處

空桐澤

在虞城縣南一十里睢水東南流經此

澤有空桐亭

杜鎮南釋地空澤宋邑連中館名

空桐梁國虞縣東南有地名空桐

夏邑縣

戰國時為下邑地漢置下邑縣東魏析已

吾縣金改夏邑今歸德府屬縣

焦

杜鎮南注陳邑譙縣也今安徽潁州府屬

亳州地

以下卷二十四睢水瓠子水汶水重核

雍邱縣

今開封府杞縣地古雍國周為杞國漢

置雍邱縣五代晉改為杞縣

周杞國都陳留雍邱

後遷淳于今山東青州府安邱縣有淳于故城

睢陽縣

今歸德府附郭首邑商邱縣地

寧陵縣

今歸德府屬縣葛故城在縣北一十五里

漢沛郡治所

今名相城在安徽省直隸州泗州境

蕭縣

今江蘇省徐州府屬縣

黃堂基

在相城界宋伯姬卒處姬魯女能以義正

命取貴春秋

春秋

伯姬歸於宋

魯成公九年

乙酉宋公固卒

魯成公十五年

魯襄公元年

戊午

五月宋灾宋伯姬卒

襄公三十年

七月叔弓如宋葬

宋共姬

濮陽縣

今河南省衛輝府滑縣又山東曹州府屬

濮州地

其故城在直隸省大名府屬開州城西南

此後魏濮陽縣

瓠子口

在開州西南二十五里

漢武帝時河决

濮陽瓠子使汲仁郭昌發卒數萬塞之帝因封禪還

自臨决河沉白馬玉璧令從官自將軍以下皆負薪

置决河作詩二章悼功之難成卒塞瓠子築宮其上

曰宣防云

鹹城

杜鎮南注衛地在開州東南六十里

清邱

在開州東南七十里俗名長樂里

濟陰縣故城

在山東省曹州府曹縣界

棲霞山

在曹州府單縣東四里 梁孝王嘗游此

樹石題句

句陽縣故城

在曹州府曹縣北三十里

廩邱縣

今曹州府鄆城縣地其故城在府屬范縣

義東保

水經注釋也甫遺卷二

成陽縣故城 在曹州府屬濮州東南一百里隋為雷澤縣金省為鎮

漆園城 在曹州府荷澤縣西南故宛句縣地 史記 莊子者蒙人也名周嘗為蒙漆園吏

仲山甫墓 在濮州東南

厯山 在濮州東南七十里 舊有舜祠碑碣尚存今惟高阜耳其東有再熟鄉成都鄉

陶邱 在東昌府館陶縣南鎮西北七里

亢父縣故城 在山東省直隸州濟寧州南六十里

成鄉城 在山東省兗州府寧陽縣北

黎陽縣 今河南省衛輝府濬縣地其故城在縣西

二里 無鹽城 在山東省泰安府屬東平州東三十里

水經注

汶水西流經無鹽縣之故城南舊宿國也

齊宣后之故邑所謂無鹽醜女也

鄆城縣 今曹州府屬縣

范縣 今曹州府屬縣

乘氏縣故城 在曹州府鉅野縣西南五十里

東阿縣 今泰安府屬縣 春秋柯邑

荏平縣 今山東省東昌府屬縣

魯連臺 在東昌府城西北一十五里齊西聊攝地

古聊城中高七十餘尺即仲連射書喻燕將處

祝阿縣

今山東省濟南府齊河縣地

方山

在濟南府長清縣東南九十里 齊乘

疑即水經之玉符山也

鄒縣

今山東省兗州府屬縣

昌平山

孔子世家 孔子生魯昌平鄉陬邑 注

昌平山在泗水縣南蓋鄉取山為名

臨淄縣

今山東省青州府屬縣

錦秋亭

在青州府博興縣東南 國朝王新城送

兄歸濟南詩 錦秋湖邊稻花涼錦秋亭下鱸魚香

注 風景絕類江南鱸魚雖小亦四鯁

黃山

在山東省萊州府城西

昌國縣

今青州府屬臨朐縣地

雪宮

在青州府治水北昔齊宣王見孟子於雪

宮即此

費縣

今山東省沂州府屬縣

傾蓋亭

在沂州府郯城縣北 孔子適郯遇程子

傾蓋而語後人因建此亭

梁鄒縣

今山東省武定府青城縣地

騶山

在武定府海豐縣北一百二十里一名小

山山半有望海亭

博昌縣

今青州府博興縣地

牛山

在青州府臨淄縣南一十里 孟子 牛

山之木嘗美矣

繹幕縣故城 在濟南府平原縣西北二十里 近人

福山縣王凝齋注平原縣西南五十里有腰站鎮鎮

東二里許即古繹幕縣也謂之古城城無雉堞亦無

人居春時烟霧中時見房舍土人呼為坡市

羸縣故城 在泰安府城東南五十里

奉高縣 今泰安府地 春秋齊之南境魯之北境

秦屬齊郡漢為博縣羸縣奉高縣 國朝為泰安府

牟縣故城 在濟南府城東二十里

東岳泰山 岱宗在泰安府城北五里 書 歲二月

東巡守至於岱宗 注 岱宗泰山也 博物志

泰山曰天孫言其為天帝孫也

新泰縣 今泰安府屬縣

泗水縣 今兗州府屬縣

博縣 杜鎮南注齊邑按漢置博陽縣金升泰安

州其故城在泰安府東南

龍 杜注魯邑在泰山博縣西南

勞山 在萊州府東南六十里 後漢逸民傳

逢萌之琅邪勞山養志修道人皆化其德 注 今

在萊州即墨縣東南有大勞山小勞山

菟裘 杜注魯邑在泰山梁父縣南今泗水縣北

有梁父城菟裘聚

邾

杜注邾國也東平剛父縣西南有邾鄉今兗州府寧陽縣北有盛鄉城堙城壩即剛父故縣邾公牟作盛

曲池 杜注魯地今曲水亭在兗州府曲阜縣東北四十里源出石門山

尼山 在曲阜縣東南五十里連泗水縣鄒縣界一名尼邱山即祈生孔子處今其麓有宣聖廟西南有觀川亭遺址

蛇邱縣故城 在曹州府定陶縣界

闡 魯邑名今兗州府寧陽縣地

闕里 後漢明帝紀幸孔子宅祠仲尼及七十

二弟子親御講堂 注孔子宅在今兗州曲阜縣故魯城中歸德門內闕里之中背洙面泗矍相圃之東北也 按矍相圃周迴二里即孔子射所

邾國城 在兗州府汶上縣北三十里

謹故城 在泰安府肥城縣西南

隧鄉 在兗州府寧陽縣西北三十里

東平陸縣 今汶上縣地

東平國治所 今泰安府東平州地

以下卷二十五 泗水 沂水 重對 補遺

瑕邱縣 今兗州府滋陽縣地附郭首邑

陪尾山 在兗州府泗水縣東五十里 泗水所出

水經主釋也補遺卷

嶧山

一名鄒本駟字嶧山兗州府鄒縣東南二

十五里 禹貢嶧陽孤桐 春秋邾文公卜遷

於嶧史記秦始皇上鄒嶧山刻石頌德

合鄉縣今兗州府滕縣地

陋巷在滋陽縣署前即顏夫子故居

湖陸縣今江蘇省徐州府沛縣地

南平陽縣故城在鄒縣界內

定陶縣今山東省曹州府屬縣

已氏縣即楚邱城今曹州府曹縣地其故城在縣東南

五十里

蔡邱釋例曰宋地在歸德府考城舊縣界注

內宰孔下脫落遇晉侯三字

睢陽縣今河南省歸德府附郭首邑商邱縣地

芒縣故城在歸德府永城縣界別作邱縣

豐縣今徐州府屬縣大澤在縣北五里豐西

澤今呼斬蛇溝在縣西二十里粉榆社漢郊祀

志詔御史令豐治粉榆社注粉白榆也社在

豐東北十五里以此樹為社神因立名

廬江縣今安徽省廬州府屬縣居鄴縣今府屬巢

縣又無為州地

泗州今安徽省直隸州

浮槎山在廬州府城東八十里相傳此山自海

水經主畢也甫遺卷上

上浮來昔有梵僧過而指曰此西域一峯也梁武帝女為尼建道林寺山頂有泉極甘美宋歐陽文忠公作記

呂梁洪

在徐州府城東南六十里呂梁山下謝

元傳謝元奏水道險澁糧運艱難宜堰呂梁水樹柵立七埭為派擁二岸之流以利漕運

下邳縣

今徐州府屬邳州地其故城在州境

圯橋

在邳州界沂水上史記注圯橋也東

楚謂之圯元和郡國志下邳有沂水號長利池

池上有橋即黃石公授留侯書處

取慮縣

今徐州府睢寧縣地其故城在邳州城西

寺

宿預縣

今安徽省直隸州泗州地又江蘇徐州

府宿遷縣地經注兩收宜互註

角城縣故城

在宿遷縣東南一百餘里

淮平亭

在泗州境

以下沂水核對

浮來山

一名浮邱一名公來山在山東省沂州府

屬莒州西三十里春秋隱公八年公及莒人盟

於浮來傳左公云以成紀好也公穀傳俱作包

來

東莞縣

今沂州府沂水縣地其故城在縣境

古蓋城

在沂水縣西北七十里

齊蓋邑孟子謂

蓋大夫王驩指此漢置蓋縣隋嘗於此置東安縣后

省入沂水縣東安縣故城在沂水縣南五十里

郟縣

今沂州府郟城縣地其故城在縣西南

以下卷二十六

沐水

巨洋水

淄水

汶水

濰水

膠水

核校

補遺

襄賁縣

今江蘇省淮安府安東縣地

即邱城

在沂州府城東南五十里

即魯祝暗邱

故地

漢即邱縣

厚邱縣

今江蘇省直隸州海州屬沐陽縣地其故

城在縣北六十里

祝其亭

故城

在海州贛榆縣西五里

漢建陵縣

今建陵山在沐陽縣西北一百里

偃陽城

在山東省兗州府嶧縣西南五十里

偃

陽杜注彭城傳陽縣也章華太子曰偃陽縣故城在

永縣南按偃陽春秋時屬魯在南東為次室邑漢

為蘭陵承繒三縣

朱虛縣故城

在山東省青州府臨朐縣境

丹山

大紀作丸山

在臨朐縣東北四十里

大紀

軒

轅征不道東至於海登丸山即此丹水所出

廣固城

在青州府西北八里堯山下

周紀國

今青州府壽光縣地其故城在縣西南三

水經注釋也

十里城內有紀臺城旁有劇南城

鄒戶圭反

春秋紀季以鄒入於齊 杜注紀邑在齊

國東安平縣 今青州府臨淄縣東有安平城又有

鄒亭

古齊城

在臨淄縣城北 史記齊世家 太公都

營邱其後獻公徙都臨淄

以下淄水

萊蕪縣

今山東省泰安府屬縣原山今名岳陽山

在縣東五十里 淄水出其陰 汶水出其陽

東安平縣故城

在青州府臨淄縣東一十里

廣饒縣

今青州府樂安縣地

堯祠

在青州府城西北八里堯山 三齊記

堯巡狩所登故名堯山

東陽城

在青州府城北

雲門山 劈頭山

俱在青州府城南五里 趙居貞詩 晚

發雲門山直上一千尺 宋富弼等遊雲門山題名

刻於石壁

齊桓公冢

在臨淄縣南太公冢之北

稷下

在臨淄縣東北

南郊山

在臨淄縣東南一十五里山下有天齊淵

五泉並出

漢志 齊所以為齊以天齊也

沂山

在青州府臨朐縣南一百一十五里 周

水經注卷之九

禮夏官 正東曰青州其山鎮曰沂山 山海經

沂山般水出焉音祈 一名東泰山

王歎墓 在愚公山西 國策 作觸一作蠲音全

愚公山東有愚公冢北有愚公谷在臨淄縣西二
十里 韓非子 齊桓公逐鹿入谷問一老父此何

以為愚公谷對曰臣畜特生犢賣犢而置駒少年謂
牛不生馬遂持駒去傍隣聞之以臣為愚故名愚公
谷

貝邱 今東昌府恩縣地 杜鎮南釋地 貝邱

齊地樂安博昌縣南有地名貝邱

琅槐故城 在青州府樂安縣界 樂安縣沿海在府

北九十里

大峴山 在青州府臨朐縣東南一百五里 上有

穆陵關 左傳 管仲對曰賜我先君履南至於穆

陵

吾山 即魚山在泰安府東阿縣西八里 漢武

帝瓠子歌 功無已時兮吾山平 注 吾山即魚

山也

礪礪山 在東阿縣南七里 今城南三土堆即劉

宋檀道濟唱籌量沙之所

郟城 在青州府安邱縣西南六十里 漢悟城

縣

水經注釋也前遺卷上

星

以下 汶水

淳于縣故城 在安邱縣東北三十里

以下 濰水

平昌縣 今濟南府德平縣地其故城在青州府安

邱縣西南六十里

姑幕縣故城 在沂州府屬莒州境內 州古薄姑氏

國

箕屋山 在莒州西北九十里 濰水出此

高密縣 今山東省萊州府屬縣

漢置斟縣為古斟灌氏地今青州府壽光

縣地又有斟亭古斟尋國在萊州府濰縣東南五十

里 巨洋水補註

都昌縣故城 在萊州府昌邑縣界內

琅琊山 在青州府諸城縣東南一百五十里 史

記注 琅琊山在密州諸城縣東南秦始皇立重臺

於上謂之琅琊臺孤立衆山之上 孟子 齊景公

曰遵海而南放於琅琊

不其山 不其山在萊州府即墨縣東南四十里又

名馴虎山 鄭康成居不其城南山中教授山下草

如薤葉長尺餘人號康成書帶草

黔陬縣 今萊州府屬膠州地

以下 膠水

五弩山 即膠山一名鐵楸山在膠州西南一百二十里膠水出焉

夸維 今萊州府高密縣地

當利縣 今萊州府附郭首邑掖縣地其故城在府

城西南三十六里

下密縣 今萊州府濰縣又昌邑縣地其故城在昌

邑縣東南二十五里

膠東縣 今萊州府屬平度州地

平度縣 今平度州地

萬里沙 在萊州府城東北三十里 沙夾萬歲河

兩岸長三百里 封禪書 元封元年旱天子乃禱

萬里沙 注 萬里沙神祠也

以下卷二十七 泗水上

嶓冢山 在陝西省漢中府屬寧羗州北 漢中記

曰嶓冢以東水皆東流嶓冢以西水皆西流故俗以

嶓冢為分水嶺 禹貢 嶓冢導漾東流為漢

泗陽縣 今漢中府泗縣地

陽平關 在漢中府褒城縣西一百八十里今為陽

平驛

張魯城 在漢中府洋縣黃金谷

赤崖 在漢中府城西

丙穴 在漢中府畧陽縣大丙山下即大景山有

石洞產嘉魚 蜀都賦 嘉魚出於丙穴 杜少陵

詩 魚知丙穴由來美

褒谷 在褒城縣東北一十里褒水所經出連雲

棧直抵斜谷 郡國志 北口曰斜南口曰褒長四

百餘里 漢中士女志 鄭子真褒中人也元靜守

道王鳳備禮聘之不應家谷口世號谷口子真

五丈原 在陝西省鳳翔府郿縣西三十里

棧道 在褒城縣褒斜谷中 舊有棧閣二千九

百八十九間

漢女釣臺 在漢中府治 水經注 昔漢女所遊側

水為釣臺

石牛道 在褒城縣境 即五丁所開之路東漢永

平中司隸楊厥又鑿而廣之

南鄭縣 今漢中府附府首邑

旱山 一名崑山在漢中府城西南六十五里山

上有雲雨即至

褒中縣 古褒國今褒城縣地

長柳渡 漢李固墓在漢中府城固縣西三十里扁

雀城在縣西南四十里 水經注 長柳村名也漢

太尉李固墓碑銘尚存文字剝落不可復讀

度水清濁檢 在漢中府沔縣界 度水二源曰清檢

出鱖魚曰濁檢出魴魚土人常以二八月取之

衙嶺山 在鳳翔府郿縣西南一十五里

大巴山 在漢中府城南一百里 春夏積雪不消

山南接四川保寧府屬巴州

巴山 在漢中府西鄉縣南六十里 西接四川

保寧府巴州

黑水 在漢中府城固縣西北

壻水 一名智水在城固縣東北六里

安陽縣 今陝西省興安府附府首邑安康縣地

聽山 在漢中府城西北二十八里 相傳漢唐

公昉仙去其壻歸惟聞空中歌樂之聲故名

明七女池 俱在漢中府洋縣界 漢中記 昔人無

男養七女父沒女於此負土各為一冢遂成此池其

冢三在城固縣四在興道縣 按興道縣今洋縣地

樊噲臺 在城固縣北五里

拜將壇 在漢中府城內西南隅

媯墟 在興安府城北 按梁州城虞舜嘗居之

謂之媯墟帝王世記謂之姚墟

儻城 今洋縣境

七女冢 三在城固縣四在興道縣 一說七女冢

今俱在漢中府城固縣境

黃金谷 在洋縣界鐵城在谷西北 諺云山水艱

阻黃金子午謂谷與子午道也按道梁時王神念所

開在洋縣東一百六十里子午谷在西安府南

定遠城 在漢中府西鄉縣治南

上庸縣 今興安府石泉縣鄖陽府竹山縣竹溪縣

地

上庸郡 今陝西省興安府平利縣石泉縣湖北省

鄖陽府竹山縣竹溪縣保康縣地

以下卷二十八 沔水中

襄陽縣 今湖北省襄陽府附郭首縣

方山 在襄陽府城西北

峴山 在襄陽府城南七里 羊祜傳 祜樂山

水每風景必造峴山祜卒百姓建碑立廟望之莫不

流涕杜預因名為墮淚碑

柳子山 在襄陽府城北七里檀水出其下 又有

柳子水梁簡文為州日泛舟窮柳子之源是也

楚山 即望楚山馬鞍山俱在襄陽府城西南八

里

檀溪 在襄陽府城西四里 按漢昭烈乘的盧

馬西走經鴨湖過此谿一躍而過今已涸

劉表墓 在襄陽府城東

中廬縣 今襄陽府南漳縣地其故城在縣東五十

里

曲隈 在襄陽府西一十里萬山下 鄭交甫遊

水經注釋也補遺卷上

里

於江漢之渚遇江妃二女解珮玉贈之即此處 宋

顏蕘詩 爽籟盡成鳴鳳曲遊人多是弄珠仙

房陵縣 今湖北省鄖陽府房縣地

荆山 在南漳縣東北 有抱璞巖相傳卞和居

此

馬穴山 一名馬窟山在襄陽府光化縣東五里

楚臺山 在湖北省宜昌府屬歸州界內 楚襄王

遇神女處建臺其上

黎邱故城 在襄陽府宜城縣東地為古郢縣

襄水 即涑水在襄陽府城西北 荆州記 襄

水中有物如馬甲如鮮鯉七八月間好在磧上自曝

膝頭似虎掌瓜小兒不知欲取戲弄便殺人

臨沮縣 今南漳縣地

荒谷 湖北省荆州府城東三里有三湖湖東地

名荒谷

冶父城 在荆州府東 左傳 桓公十三年春莫

敖緝於荒谷羣帥囚於冶父以聽刑 注 水經注

荒谷東岸有冶父城

鬩斗陂 在湖北省直隸州荆門州治東北 在州

屬當陽縣東北八十里

宋玉宅 在荆州府江陵縣城北 庾信哀江南賦

誅茅宋玉之宅 渚宮故事 庾信因侯景之亂

通歸江陵居宋玉故宅

古郢國 今宜城縣地

宋玉宅 一在宜昌府歸州舊治東一在荊州府江

陵城北三里今注在襄陽府宜城縣未詳 湖廣通

志 宋玉宅有二一在秭歸之巴東一在荊州 陸

務觀入蜀記 秭歸縣東舊有宋玉宅今酒家其故

址也

竟陵縣 今湖北省安陸府天門縣又漢陽府沔陽

州地

荊城 在直隸州荊門州東六十里

章山 在安陸府治南半里即內方山 禹貢

內方至於大別 注 地志章山古文以為內方山

古權國 今荊門州當陽縣地

那處 杜注楚地南郡編縣東南有那口城在今

荊門州東南 編縣今荊門州地

江陵縣 今荊州府附郭首縣

紀南城 在荊州府城北一十里 史記注 楚都

於郢今江陵縣北紀南城是至平王更城郢在江陵

東北故郢城是荊州記昭王十年吳通漳水灌紀南

入赤湖進灌郢城遂破楚則郢與紀南為二城云

楚莊王釣臺 在江陵縣西南

章華臺 一在荊州府城外沙市一在監利縣東北

水經注釋也補遺卷五

又名三休臺 賈誼新書 翟王使使至楚楚王誇之饗於章華之臺三休乃至故名三休

甘魚陂 在安陸府天門縣西 左傳 魯昭公十三年楚公子比為王公子黑肱為令尹次於魚陂

當陽坂 在荊門州當陽縣北

雲杜縣 今陸安府鍾祥縣京山縣諸縣地其故城在天門縣西北

雲夢澤 在湖北省德安府安陸縣南五十里 周

禮職方曰荊州其澤數曰雲菅方八九百里跨江南北華容枝江夏安陸皆其地

雲夢城 今德安府雲夢縣治

沙羨縣 今湖北省武昌府江夏縣嘉魚縣蒲圻縣

地

大別山 在湖北省漢陽府城東北 一名翼際山

一名魯山 禹貢 內方至於大別 注 左傳

吳與楚戰楚濟漢而陳自小別至於大別蓋近漢之

山

小別山 在漢陽府漢川縣南一十里 一名甌山

沔口 在漢陽府城西南二十里 劉澄之山水

記 沔口古滄浪水世傳屈原遇漁父處 漢水

在漢陽府北 漢口 在大別山北即漢水與沔水

合流入江處 湏口 在漢川縣東 通典 安陸

水經注釋也補遺卷五

五

縣有瀕水亦名瀕口

南譙郡故城 在安徽省廬州府巢縣界

東關 一名東興在巢縣東南濡須水側一名天

河水

郎山 在安徽省池州府城西六十里貴長池在

貴池縣界

齊山 在池州府城南山分三面巖洞三十有二

嶺塢泉石亭臺不可勝舉為名勝之區

安吳縣故城 在安徽省寧國府旌德縣西十五里

陵陽山 在寧國府城內 列仙傳 陵陽子明好

釣於溪得白龍子明放之後得白魚腹中有書教子

明服食遂采五色石脂服之三年白龍迎上陵陽山

陵陽縣 今池州府石埭縣地

松江 即吳江源出太湖在江蘇省蘇州府吳江

縣東

由拳縣 今江蘇省松江府青浦縣浙江省嘉興府

嘉興秀水嘉善諸縣地其故城在嘉興府城南

長水縣 今嘉興縣地 按長水又檇李俱春秋時

地名水經注書秦時長水縣

檇李 今嘉興縣地其故城在縣西南四十五里

按今嘉興縣春秋時長水縣又檇李鄉檇公羊傳

作醉秦為由拳縣孫吳改置禾興縣後改名嘉興

嘉禾縣

今嘉興縣地

當湖

在嘉興府平湖縣東周四十餘里 吳地

志

王莽改海鹽縣為展武縣後漢安帝時陷為湖
亢旱水涸彷彿見其街陌遺址舊有白沃史君廟相
傳陷為湖時史君乘馬走不及將鞭圍得湖東北角
一片遂不沒後立廟焉

武原縣故城

在嘉興府海鹽縣東北五十里

鹽官縣

今海鹽縣地

餘姚縣

今浙江省紹興府屬縣

餘杭縣

今浙江省杭州府屬縣

餘暨縣

今紹興府蕭山縣地

秦望山

在紹興府城東南四十里

烏程縣

今浙江省湖州府附府首縣

以下卷二十九

沔水下

潛水

粉水

湍水

白水

均水

泚水

補遺

房陵縣

今湖北省鄖陽府房縣地

粉水

出房縣西南三十里房山經襄陽府穀城

縣南入漢江

王韶雍州記

蕭何夫人漬粉處也

景山

在房縣境 雁歸必經其上因名為雁塞

山海經

荆山之首曰景山

寰宇記

房陵

有三十五溪三十四山此其發源處也

上庸縣

今鄖陽府竹山縣地

鄖鄉縣

今鄖陽府附郭首邑鄖縣地

西山

一名寶蓋山在鄖陽府城西南三里

以下

潛水 考證 補遺

宕渠縣

今四川省順慶府蓬州營山縣廣安州渠

縣大竹縣鄰水縣地

渠縣

潛水所出寶

音宗

氏所居

古寶國

今廣安州地

寶城縣故城

在大竹縣北

晉壽縣

今四川省保寧府廣元縣地

以下

湍水

冠軍縣

今河南省南陽府附郭首邑南陽縣地其

其故城在府屬鄧州界

芳菊溪

一名菊潭在南陽府內鄉縣西北 源出

析谷一云出馬石峯其水重於諸水旁生甘菊居民

飲之多壽逾百歲者其菊人多收其種傳於四方

穰縣

今南陽府鄧州地

新野縣

今南陽府屬縣

昆陽縣故城

在南陽府葉縣南 後漢世祖破王尋

於此

安衆縣故城

在南陽府城西南三十里

以下

均水

淅縣

今南陽府淅川縣又內鄉縣地

盧氏縣

今河南省直隸州陝州屬縣

熊耳山

在內鄉縣東一十二里盧氏縣西南五十

里

禹貢導洛自熊耳即此

卧龍岡

在南陽府城西南省志自嵩山之南

綿亘數百里至此截然而住回旋如巢草廬故址在

其內時人以諸葛為卧龍因名其岡下平如掌即武

鄉侯躬耕處

南鄉縣故城

在南陽府南陽縣一百里地名沙堰

順陽縣

今南陽府屬裕州地

博山縣故城

在內鄉縣順陽保

以下粉水

房陵縣

今湖北省鄭陽府房縣地

筑陽縣

今湖北省襄陽府穀城縣地

漢臯臺

在襄陽府城西北韓詩外傳鄭交甫

將南適楚遵彼漢臯臺下乃遇二女佩兩珠大如荆

雞之卵張衡南都賦游女弄珠於漢臯之曲

安陸府城北漢江邊有解珮亭傍有漢臯亭神仙

傳江妃二女遊於江濱逢鄭交甫交甫不知何人

也目而挑之女遂解珮與之交甫行數步空懷無珮

女亦不見

以下白水

朝陽縣故城俗呼刁城在南陽府南陽縣朝王村

以下泚水

泚陽縣 今南陽府唐縣地

桐栢山 在南陽府桐栢縣東南一里 桐栢東接

湖北省德安府屬隨州西連襄陽府棗陽縣界上有

玉女卧龍翠微蓮花諸峯淮水出其下 元張伯雨

詩 桐栢山高在半天峯巒平處住神仙 唐韓文

公詩 淮水出桐栢山東馳遥遥千里不能休淝水

出其側不能千里百里入淮流

復陽縣 今南陽府桐栢縣地

以下卷三十 淮水 補遺

平氏縣故城 在唐縣東南平氏保

賢首山 在河南省汝寧府屬信陽州西南七里

義陽郡 昔因山以名今信陽州治東有義陽山

天中山 在汝寧府城北三里 路側有唐顏魯公

大書天中山碑完好 在天之中自古考日影測分

數莫正於此

安昌城 在信陽州西

雞翅山 在信陽州南九十里

古黃城 俱在河南省直隸州光州境

西陽縣故城 在光州光山縣西二十里

褒信縣故城 在光州息縣東北

當塗縣故城 在安徽省鳳陽府懷遠縣東南塗山北

麓下

平阿縣故城 在懷遠縣境

義城縣故城 在安徽省潁州府霍邱縣北四十里

鍾離縣 今鳳陽府附郭首邑鳳陽縣地

巴吾縣故城 在河南省歸德府寧陵縣南二十里

嗟虞墩 在鳳陽府定遠縣南 虞姬墓俗稱嗟虞墩

府屬靈璧縣東亦有墓相傳靈璧墓其身定遠葬其首

陰陵山 在安徽省直隸州和州西北

亳城 在歸德府城東南四十五里穀熟縣故城

在府城東南四十里

陰陵縣故城 在鳳陽府定遠縣西北六十里

鄆縣故城 在歸德府永城縣西南

鉅縣故城 在鳳陽府宿州西南九十里

陽城 秦時縣名今在宿州南 宋玉賦 惑陽

城迷下蔡 注 陽城下蔡二縣名

蘄縣故城 在宿州南四十六里

山桑縣 今潁州府蒙城縣地

鄆縣 今歸德府鹿邑縣地其故城在縣西六十

里

垓下 在鳳陽府靈璧縣東南 史記 項王軍

壁垓下漢軍及諸侯兵圍之數重夜聞漢軍四面皆

楚歌乃大驚曰漢皆已得楚乎是何楚人之多也

潼縣

今安徽省直隸州泗州地

掛劍臺 在

泗州境

括地志

徐君愛延陵季子之劍而未與

後季子復來徐君已沒乃解劍掛之樹枝

夏邱縣

舊虹縣地今併入泗州

浮山

一在泗州盱眙縣西一在天長縣南

徐縣

今泗州地

東城縣故城

在鳳陽府定遠縣東南五十里

穀熟城

在歸德府城東南四十里

大澤

在江蘇省徐州府豐縣北六里

淮陰縣故城

在江蘇省淮安府城西四十里

漂母冢

在淮安府城西舊淮陰縣北與韓信母冢

相對俗呼東西冢

淮陰侯列傳注

張華曰漂母

冢在泗口南岸

江都縣

今江蘇省揚州府附郭首縣邗溝在府城

東南

千金亭

在淮安府城外運漕河隄上亭中有漂

母像居人奉香火焉題詠極夥凡書十一弟匡斐詩

千金酬母易一飯識人難

邗

左傳 秋吳城邗溝以通江淮 杜鎮南

注

邗水名 春秋彙纂注 築城穿溝東北通射

陽湖西北至宋口入淮通糧道也

按今則引淮東

南流入江東南各省

正供糧艘之所經由時加挑

濬

淮浦縣在今淮安府安東縣地

胸縣在今江蘇省直隸州海州地

郁洲山一名蒼梧山在海州東北海中在海州城

南海中俗以為自蒼梧飛來

胸山在海州城南四里俗呼馬耳山以二峯如

削形似言之史記秦始皇立石東海上胸縣以

為秦東門

利城縣故城在海州贛榆縣西四十里

羽山在贛榆縣西北八十里左傳昔堯殛

鯀於羽山其神化為黃熊入於羽淵禹貢注曾

氏曰山雉皆五色

祝其縣故城即夾谷在贛榆縣西五里

紀鄆杜注莒邑其故城在贛榆縣北七十五里

即邱縣今山東省沂州府附郭首邑蘭山縣地

望海樓在沂州府郯城縣東南馬陵山上有孔望

峯相傳孔子曾登此望海

以下卷三十一

曾陽縣今河南省直隸州汝州屬魯山縣地堯山

在縣西

堯山在魯山縣西澠水所出昔堯之末孫劉

累以豢龍事夏后後遷於魯立堯廟於此因名堯山

紫山 在河南省南陽府城北二十五里

定陵縣 今南陽府舞陽縣地

鄧縣 今河南省直隸州許州屬鄧城縣地

以下 涇水

盧氏縣 今河南省直隸州陝州屬縣

西鄂縣 今南陽府南召縣地

鄧縣故城 在南陽府內鄉縣東

雒縣故城 在南陽府城北八十里

分頭嶺 一名分水嶺在南陽府城北七十里

豐山 在南陽府城東北 山海經 豐山神耕

父處之常游清冷之淵出入有光有九鐘焉是知霜

鳴 注 霜降則鐘鳴故言知耕父鬼也

雒衡山 在南陽府城北七十五里

呂城 今名董呂村在南陽府城西三十里

杜衍縣 今南陽府附郭首邑南陽縣地

冠軍縣故城 在南陽府屬鄧州界

漸嘉樓 在鄧州城內為一郡之勝 宋黃魯直詩

漸嘉樓外花

穰縣 今鄧州地

順陽縣 今南陽府屬裕州地其故城在內鄉縣界

內

以下 隱水 與澱字同

水經注釋也補遺卷五

本

灃強縣

漢灃強縣即秦潁強縣又隋潁水縣今陳

州府商水縣地 按今灃水極微在河南省直隸州

許州屬鄆城縣有大小二水大者在縣治南一里小

者在縣治北一里即注所云小灃水大灃水也

西華縣

今河南省陳州府屬縣

女陽縣故城

在高水縣界

召陵城

在河南省直隸州許州屬鄆城縣東四十

五里

汾

杜鎮南注襄城縣東北有汾邱城襄城縣

今許州屬縣

舞陰縣

今南陽府泌陽縣地

上蔡縣

今河南省汝寧府屬縣

以下

濩水

音武

說文水出南陽舞陰

泚陽縣

今南陽府唐縣地

葉縣

今南陽府屬縣

方城

杜注方城山在葉縣南即楚之方城在裕

州東北四十里

黃城山

在葉縣北一十里

水經注

南陽葉方

城邑西有黃城山長沮桀溺耦耕處有東流水即子
路問津之所尸子曰楚狂接輿耕於方城蓋於此也

唐地理志

葉有方城山白石山

西平縣

古柏子國今汝寧府屬縣

水經注釋也補遺卷上

三

瀕水

中陽山 在唐縣東七十里

舞陽縣 今南陽府屬縣

秋林夏館山 在南陽府內鄉縣北泉石佳麗 元好

問詩 秋林夏館山水窟家家林影映湖光

鄆縣 今直隸州許州鄆城縣地

定潁縣 今西平縣地

以下 湏水

蔡陽縣 今湖北省襄陽府棗陽縣地

大洪山 在湖北省德安府屬隨州城西一百二十

里

太平山 在隨州境或名胎簪山 太平山最峻東

北諸山皆宗之淮水出其下北流入桐栢

隋縣 古隋國今隨州地

安陸縣 今德安府附郭首縣

永陽縣 今德安府應山縣地

陪尾山 在德安府城東北四十里 禹貢 熊耳

外方桐栢至於陪尾 注 安陸縣東北有橫尾山

古文以為陪尾

新市縣 今湖北省陸安府鍾祥縣京山縣地

三王城 在襄陽府均州界

平林縣故城 在隨州東北八十里

新陽縣

今京山縣地

潼泉山

潼水所出在京山縣西六十里

湏口

在湖北省漢陽府漢川縣東四十五里

通典

安陸縣有湏水亦名湏口唐人有詩曰日暮

不知湏口深

以下卷三十二

厲鄉

厲山下在德安府隨州城北一百八十里

一作烈山

注作烈山

蕪春縣

今湖北省黃州府屬蘄州又蘄水縣諸縣

地

浞水縣

今蘄水縣地

大義山

在隨州城東北五十里

民居其間貧富

自相取足有義風故名

蘄陽縣

今蘄州地

決水

安豐縣故城

在安徽省鳳陽府屬壽州南六十里

今為安豐鄉雞備亭在鄉西南

蓼縣故城

在壽州南安豐鄉

安豐縣

今安徽省潁州府霍邱縣地

東臺湖

在壽州東北

水經注三春九夏紅荷

覆水

舒蓼

孔穎達云當是一國今安徽廬州府舒城

縣東南有六城按河南直隸州光州屬固始縣古

蓼國地縣與安徽廬鳳兩府接壤安徽直隸州六

安州春秋為六蓼國漢為六安國治六縣後為盛唐

縣晉改六安縣

灄縣故城在安徽省廬州府廬江縣南二里

以下泚水

六安縣故城址今安徽省直隸州六安州地

霍山在六安州屬霍山縣西北五里

谷陶冢在六安州城東一十里

以下泄水

芍陂

在鳳陽府壽州南地名安豐塘故安豐

縣地也秋冬畜水春夏溉田其利甚溥陂側楚相孫

叔敖祠居民修葺今甚完好匡學有句云芍陂重訪

如盤種淡日輕風楚相祠

以下淝水

獨山在廬州府城西二十里

壽春縣今鳳陽府壽州地

壽春縣故城在壽州西四十里內有古楚王祭淮壇

城父縣故城在潁州府屬亳州東南七十里

施水

巢湖在廬州府巢縣西

水經主澤也浦遺矣

房陵縣

今湖北省鄖陽府房縣地

以下 沮水

景山

在房縣西南二百里

青山

在湖北省安陸府天門縣西北六十里

當陽長坂

在湖北省直隸州荊門州屬當陽縣北一

百里

磨城

麥城

驢城

磨城在當陽縣東四十里麥城

在縣東六十里驢城在麥城東

福山王槭秋燈叢

話 乾隆辛卯當陽令陳淮任儒生請於麥城隄掘

土丈許得周將軍倉墓因加封樹人始咸知蓋任夢

將軍示以墓所故力請焉其英靈如此

楚昭王墓

在湖北省荊州府枝江縣西北

編縣

今荊門州地

以下 漳水

荆山

在湖北省襄陽府南漳縣西北八十里

臨沮縣故城

在南漳縣界

江陵縣

今湖北省荊州府附郭首縣

以下 夏水

華容縣

今湖南省岳州府屬縣

安陸縣

今湖北省德安府附郭首縣

竟陵縣

今湖北省漢陽府沔陽州地

雲夢澤

在安陸縣南五十里 周禮職方曰正南

荆州其澤藪曰雲薈方八九百里跨江南北華容枝

江江夏安陸皆其地也 薈音蒙通用夢

陰平縣 今甘肅省直隸州階州屬文縣地

以下 羌水

閬中縣 今四川省保寧府附郭首縣

墊江縣 今四川省直隸州忠州屬縣

平都山 在忠州屬酆都縣東北三里 道書七十

二福地之一 省志 前漢王方平得道於此後漢

陰長生亦於此昇仙有煉丹古跡及仙都觀觀有唐

碑十段

涪陵縣 今四川省重慶府屬涪州地

綿竹縣 今四川省直隸州綿州屬縣

涪縣 今綿州又龍安府彰明縣地

剛氏 今四川省龍安府平武縣江油縣地

新都縣 今四川省成都府屬縣又金堂縣唐時分

縣地立

廣漢縣 今成都府屬漢州地

梓潼縣 今綿州屬縣

以下梓潼水

五婦山 在梓潼縣北一十二里 蜀志 秦惠王

許嫁五女於蜀蜀遣五丁迎之還到梓潼見一大蛇

入穴五人捩蛇山崩壓殺五人及女而山分為五嶺

蜀王傷之因命曰五婦冢冢上為望婦塚作思妻臺

拙音裔訓卧引別作拽非

沔陽縣 今陝西省漢中府沔縣地

以下 涪水

城固縣 漢中府屬縣有南北二城

旱山 在漢中府城西南六十五里

南鄭縣 漢中府附府首縣

岷山 在四川省直隸州茂州南山之附曰羊膊

江水所出

以下卷三十三 江水一

天彭山 在四川省成都府彭縣西北三十里

汶山郡治 今茂州地汶江縣今直隸州綿州屬安縣

地

石鏡 在成都府城北武擔山上

龍涸 人呼龍飲池在成都府金堂縣界

張儀樓 在成都府西南一名菟樓高百餘丈 省

志 即宣明門樓也 元和志 臨山瞰江乃蜀中

近望之佳處

巖道縣 今四川省雅州府雅安縣榮經縣地

邛崃山 一名邛笮山在雅州府清溪縣北山有九

折坂盖山路阻峻回曲九折乃至山上故名

汶江縣 今四川省直隸州綿州屬安縣地

玉輪江 在茂州屬汶川縣西源出玉壘山流入成都府灌縣界

玉壘山 在成都府灌縣西北二十九里 湔水出

此 左思賦 包玉壘以為宇 郭景純江賦 玉

壘作東別之標

綿虎縣 今汶川縣地

沱江 源出岷山在成都府新繁縣西北一十五

里 縣在府西北五十五里 禹貢 岷山導江東

別為沱

笮橋 在成都府城西四里

都安縣 今成都府灌縣地都江堰在邑內今為九

邑水源

臨邛縣 今四川省直隸州邛州地

火井 在邛州西南 蜀都賦注云蜀有火井以

家火投之須臾如雷聲焰出通天

郫縣 成都府屬縣

成都縣 成都府附府首縣

散花樓 在成都府附府華陽縣東北隅唐時建

李青蓮詩 日照錦城頭朝光散花樓金牕夾繡戶

珠箔懸瓊鈎

雒縣 今成都府屬漢州地

千秋池 在成都府城東萬歲池在府城北一十里

石犀淵

在成都府南市橋下

唐杜子美甫詩

君不見秦時蜀太守刻石立作三犀牛自古雖有厭勝法天生江水向東流

萬里橋

在成都府中和門外

錦官城

在萬里

橋南

范成大吳船錄

諸葛武侯送費禕使吳曰

萬里之行始此後人因以名橋

杜詩

錦官城外

柏森森

注

成都呼為錦官城以其地有錦官如

銅官鹽官之類

文翁石室

在成都府南

南安縣

今四川省直隸州眉州之丹稜縣青神縣

嘉定府峨眉縣諸縣地

壁玉津

在嘉定府東南

津側跨城為樓名壁津

樓下瞰三江三峩九頂森列左右

江原縣

今成都府灌縣崇慶州地其故城在州東

南三十里

武陽縣

今成都府新津縣又直隸州資州屬之仁

壽縣井研縣又直隸州眉州又州屬彭山縣地其故

城在彭山縣東一十里

伍城縣

今四川省潼川府中江縣地

青城山

在成都府灌縣西南五十里岷山千里青

城乃其第一峯

洞天福地記

第五青城洞謂之

寶仙九室之天

合江亭

在成都府華陽縣東南二江合流處 范

成大吳船錄

合江者乃岷山江別派自永康流入

成都又彭蜀諸郡水皆合於此綠野平林烟水清遠

極似江南風景亭之上曰芳華樓前後植梅蜀人入

吳者自此登舟

邛都縣

今四川省寧遠府附郭首邑西昌縣地

青蛉縣

今雲南省楚雄府大姚縣又澂江府新興

州地

葉榆縣

今雲南省大理府附郭首邑太和縣又鄧

川州又浪穹縣地

彭亡山

一名平模山在眉州彭山縣東一十里

彭祖冢

在彭亡山

熊耳峽

在眉州青神縣西 蜀志 望帝以褒斜

為前門以熊耳靈關為後戶

峨眉山

在眉州城南二百里 來自岷山連岡疊

嶂延袤三百餘里至此突起三峯其二峯對峙宛若

峨眉自州城望之又如人之拱揖於前

江陽縣

今四川省敘州府富順縣長寧縣又直隸

州瀘州又州屬納溪縣江安縣地

潭山

在成都府什邡縣西六十里 一名洛通

山 洛水所出

三危山

在甘肅省直隸州安西州附郭首邑燉煌

縣境 禹貢導黑水至於三危 山海經 三危

山三青鳥居之是山也廣員百里

洛縣故城 在成都府城南 在廣都縣故城東北十

五里 唐志 蜀號三都者成都新都廣都也

落鳳坡 一名鹿頭關有龐統墓在綿州德陽縣北

三十里

孝泉 在德陽縣西北四十里東漢姜詩孝感躍

鯉處 省志 姜詩事母至孝妻龐氏尤謹漢明帝

永平中舉孝廉 後漢列女傳云姜詩事母至孝妻

奉順尤篤 水經注作江詩字士遊

南廣縣 今敘州府慶符縣南溪縣諸縣地

新都縣 今成都府屬縣

綿竹縣 今直隸州綿州屬縣

郫縣 今成都府屬縣 縣境有郫筒井剗大竹

釀醪醱作酒香聞百步

牛鞞縣 今成都府屬簡州地 鞞音丙 縣名音

卑

資中縣 今直隸州資州又州屬資陽縣內江縣地

漢安縣 今資州屬內江縣地

湔水 出成都府灌縣玉壘山西北 唐杜工部

詩玉壘浮雲變古今李商隱詩天外山惟玉壘深

江陽郡漢安縣 今四川省直隸州瀘州屬江安縣地

符縣

今瀘州又州屬合江縣地

江州縣

今四川省保寧府又重慶府附府首邑巴

縣又江津縣南川縣地

宣漢縣

今四川省直隸州達州州縣地

玉臺山

在保寧府城北七里閬中繖子山北杜

工部詩

閬中城北玉臺碧

巴

杜注巴國在巴郡江州縣今保寧府巴州

重慶府巴縣地

巴郡故城

在重慶府城西

老鴉山

在重慶府榮昌縣西北 通志 山下有

李勘兄弟善棋嘗應詔有功文彥博贈詩曰昌元建

邑幾經春百里封疆秀氣新鴨子池邊登第客老鴉

山下看棋人

按昌元唐縣名今榮昌縣地

安縣

今直隸州綿州屬縣

漢中縣

今陝西省漢中府地

巴嶺山

今名大巴山在陝西省漢中府西鄉縣界

接四川省保寧府巴州界

粉水

清水穴

今名粉水井在重慶府城西

塗山

在重慶府城東八里有夏禹廟塗君祠故

址山之址有石中分名曰龍門其下水與江通左

右石壁有鯉魚飛躍之狀

枳縣

今重慶府長壽縣南川縣其故城在府城

北一百一十五里

明月峽即廣德嶼在重慶府城東 梁李膺益州記

石壁高四十丈壁有圓孔形如明月 華陽國志

廣德嶼者是也

漢平縣 今重慶府屬涪州地

枳縣平都縣 今四川省直隸州忠州屬豐都縣地

銅柱灘 在涪州東涪陵江中 寰宇記 昔漢馬

伏波始欲鑄銅柱於此又云昔人維舟見水底有銅

柱故名

虎鬚灘 在豐都縣東 縣有平都山在城東北平

瑩如掃林木邃茂山頂有五雲洞道書七十二福地

之一前漢王方平後漢陰長生皆得道於此

臨江縣 今忠州又州屬墊江縣地

四望樓 在忠州南 唐白居易詩 江上新樓名

四望東西南北水茫茫

胸忍縣 今忠州屬梁山縣又夔州府雲陽縣萬縣

開縣地 胸音潤胸臆虫名地多此虫故名 胸求

於切與縣名胸字不同

魚復縣 今夔州府附郭首邑奉節縣地 縣有麝

香山唐杜子美詩水生魚復浦雲暖麝香山

涪陵縣 重慶府涪州地

南浦縣 忠州梁山縣夔州府萬縣地

高梁山 在梁山縣北三十里蜀中望之若長雲垂

天 劍閣銘 巖巖梁山積石峩峩

巴江 在重慶府巴縣東北一名內江 縣附府

唐杜工部甫詩 百丈內江船 注 自渝上合

州者謂之內江自渝經瀘上蜀者謂之外江

彭水縣 今四川省直隸州酉陽州屬縣

漢豐縣 夔州府開縣地

草閣 在夔州府治東即杜少陵灤西舊址 杜

少陵詩 草閣臨無地柴扉永不關

胸忍縣故城 在夔州府雲陽縣西六十里

新浦縣故城 在開縣界

丙穴 在四川省直隸州達州屬太平縣東 水

經注 丙水發栢枝山下有丙穴方數丈中有嘉

魚春出冬入抑亦褒漢丙穴之類

永安宮 即今夔州府府學地

八陣圖壘 在夔州府城南大江濱

白帝山 在夔州府城東五里赤岬山在城東北七

里山周七里一百四十步東高二百丈西高一千丈

南連白帝山甚高大不生樹木其土悉赤土人云如

人袒脾故謂之赤岬山淮南子曰徬徨於山岬之旁

注曰岬山脅也郭仲產曰斯名將因此而興矣

魚復縣故城 在赤岬山上

巴渠縣

今達州屬東鄉縣地

使君灘

在夔州府萬縣東

巴鄉村

村產靈壽木在夔州府城西五十里

南浦縣故城

在夔州府萬縣界

涪預石

在夔州府城西南舟人呼為猶豫石

樂府作涪豫

坤元錄作尤預

巫縣

今四川省夔州府巫山縣湖北省宜昌府

巴東縣地

巫山在巫山縣東三十里其十二峯首

尾一百六十里十二峯名

望霞

翠屏

朝雲

松巒

集仙

聚鶴

淨壇

上昇

起雲

飛鳳

登龍

聖泉

圖經

此山當抗峯岷峨借嶺衡

嶽凝結翼附並出青雲

晉建平郡治所

今巫山縣地

秭歸縣

今宜昌府屬歸州又興山縣地

古捍關

在宜昌府長陽縣南七十里

以下卷三十四

江水二

二十五里

地長二十

巫縣故城

在四川省夔州府巫山縣界

南陵山

一名向南山在巫山縣南陸放翁入蜀

記山極高大有路如綫盤屈至絕頂謂之一百八

盤黃山谷詩云一百八盤携手上至今歸夢繞羊腸

宣漢縣

今四川省直隸州達州州縣地

秦昌縣

今夔州府大寧縣地

聖泉

一名孔子泉在巫山縣治東

宋王十朋

集 縣有孔子泉泉之旁雖童子皆能書

巫峽

即巫山

在巫山縣東三十里 與西陵峽歸峽

並稱三峽連山七百里畧無斷處自非亭午夜分不

見日月

石門山

在宜昌府巴東縣東北三十五里

西陵峽

在宜昌府西北三十五里 峽長二十五

里層巖萬仞三峽之一也

歸州

今宜昌府屬州 唐杜少陵詩 若道巫

山女粗醜何得此有昭君村

注 歸州東北有昭

君村

夔

杜鎮南注楚同姓國在建平秭歸縣歸州

志云州東二十里有夔子城地名夔沱

屈子故宅

在歸州北一百里

白狗峽

在歸州東一十五里 唐杜工部詩 白

狗斜臨北黃牛更在東

劉備城

在歸州境

信陵縣

今宜昌府巴東縣地

彝陵縣

今宜昌府東湖縣地

宜昌縣

今湖北省荊州府宜都縣地

空冷峽

在歸州東三十里 峽水奔流石磧險惡

夏月水漲必空船乃可上灘

佷山縣

今宜昌府長陽縣地

夷道縣

今荊州

府宜都縣地

佷音恒

狼尾灘

在宜昌府三峽中

枝江縣

今荊州府屬縣

上明城

在荊州府松滋縣界

晉荊州刺史桓冲

所築

古羅

今枝江縣地

津

杜注楚地江陵縣有津鄉今在枝江縣界

百里洲

在枝江縣東北

梁史

陸法和有異術

隱百里洲

荊門山

與虎牙山相對在荊州府宜都縣西北五

十里

江安縣

南平郡治所今荊州府公安縣地

江陵縣

今荊州府附郭首縣

紀南城

即江陵縣故城在今縣北十里

卷三十五

江水三

華容縣

今荊州府石首縣監利縣湖南岳州府華

容縣地

龍穴水口

在石首縣界昔禹濟江黃龍夾舟故水地

俱以龍名

孱陵縣

今荊州府公安縣地樂鄉城在府屬松滋

縣東七十里

石首山 在石首縣北江中 有石孤立為北山之首因名

巴邱縣 今岳州府附郭首邑巴陵縣地

城陵山 在岳州府城西北一十五里 蜀江西來

洞庭南注合流於此乃一郡水口山也

鴨欄磯 在岳州府臨湘縣東一十五里

烏林 在湖北省武昌府蒲圻縣北岸

魚嶽山 在武昌府嘉魚縣治西今山在平地去水

已遠

沙陽縣 今嘉魚縣地

沙羨縣 今武昌府首縣江夏縣屬縣嘉魚縣蒲圻

縣地

大軍山 大軍山在湖北省漢陽府城西南六十里

小軍山 在城南四十五里

汝南僑郡故城 在武昌府城西

鸚武洲 在武昌府城南

百人山 在漢陽府城西南七十五里赤壁山在武

昌府城東南九十里

雞翅山 在武昌府城南八十里

節度石 在武昌府武昌縣大江中

沌口 在漢陽府城西南

魯山 即大別山一名翼際山在漢陽府城東北

劉琦墓

在魯山下

沔口

在漢陽府城西南却月城在府城北六里

黃鵠山

在武昌府城西南一名黃鶴山下有黃

鵠磯相傳仙人子安乘黃鶴過此因名

夏口

在武昌府江夏縣荆江中夏口城在府城

西

崢嶸洲

在武昌府武昌縣界半屬黃州府

邾縣故城

在湖北省黃州府城西北一百二十里

龜頭山

在黃州府麻城縣東南八十里舉水所出

有黑白二龍井 元和志 春秋吳楚戰於栢舉即

此

西陽郡

今黃州府地

蘆洲

一名羅州在武昌府武昌縣西三十里

樊山

舊名袁山在武昌縣西四里一名樊岡下

為樊口

赤鼻山

今呼赤壁山在黃州府城西北漢川門外

西陽縣

今黃州府麻城縣地

鄂縣故城

在武昌府古岸迺舊樊楚

釣臺

在武昌縣北門外

巴河

源發黃州府蘄水縣板石山流經黃岡縣

城東抵魚博下巴河達於江

大別山

在漢陽府城東北漢江之右

軼縣故城 古弦地在蘄水縣界北接河南直隸州光

州界

西陵縣 今漢陽府黃陂縣德安府雲夢縣黃州府

黃岡縣諸縣地

西陵縣故城 在德安府雲夢縣境 按西漢地理志

江夏西陵縣有雲夢宮則雲夢即西陵縣地而雲夢

宮故址疑在此縣

蘄春縣 今黃州府屬蘄水縣羅田縣蘄州廣濟縣

黃梅縣地

蘄陽縣 今蘄州地

潯陽郡 今江西省九江府地

青湓山 在九江府瑞昌縣西七十里湓水出焉

九江志 青湓山有井形如盆因號湓水城曰湓城

浦曰湓浦江州故有湓江之稱

潯陽江 江源發岷山東來至九江府城北合潯陽

江下流四十里合彭蠡湖水而東 潯陽記 九江

之名一曰烏江二曰蟠江三曰烏白江四曰佳靡江

五曰畎江六曰源江七曰廩江八曰提江九曰箇江

宮亭湖 唐地理志 彭蠡湖一名宮亭湖 荊州


記 宮亭湖廟神能使湖中分風而帆南北

青山 在安徽省安慶府桐城縣南一百里

大雷戍 今安慶府望江縣地

大江

環安慶府城西南東三面上接九江彭蠡
之水東至廬州府合無為州諸水流經池州府直隸
州和州太平府江蘇江寧府揚州府鎮江府東入於
海



水經注釋地補遺卷上

真和志成



